

IN CURT

**Fondazion Crup: si
rinove la poie dal
Ateneu dal Friûl**

Si rinove, pal an academic 2012/2013, l'impegn de Fondazion Crup a poie de Universitât di Udin. La retore Cristiana Compagno e il president Lionello D'Agostinis a àn sottoscritt ir la convenzion atuative dal acuardi cuadri trienâl – un milion di euros il stanziament pal an in cors – che al previôt la colaborazion e la poie des ativitâs individuadis tant che nevalgjichis pal Ateneu stes e al è ripartît in cuatri areis di intervent: didattiche, servizis ai students, ricercje e trasferiment tecnologjic, internazionalizazion.

Sodisfate la retore Cristiana Compagno, "che e dis graciis aes sieltis di invistiment de bande de Fondazion Crup inte alte formazion e ricercje de Universitât di Udin. Une poie che e contribuîs al disvilup de cualitât dai risultâts di ecelence che chest Ateneu continue a rivâ a nivel nazionâl e un invistiment pal futûr dai zovins e dal teritori". "La nestre poie ae Universitât dal Friûl – al à dit il president D'Agostini – al è un impegn viers dal sisteme universitari furlan, che al è vuê une ecelence a nivel nazionâl, e un invistiment sul futûr de region, dai zovins e, duncje, dal Paîs".

**D'Agostini e Compagno.**